

Mbingu Inangoja Kutoa Ushirikiano

Ndipo nuru yako itakapopambazuka kama asubuhi, na afya yako itatokea mara; na haki yako itakutangulia; utukufu wa Bwana utakufuata nyuma ukulinde—

Isaya 58:8.

Ni utambuzi wa daima wa thamani ya upatanisho wa kafara ya Yesu kwa niaba yetu ambao unatufanya kufaa kuwaelekeza wengine kwa Mwana-Kondoo wa Mungu aichukuaye dhambi ya ulimwengu. Tunalazimika kuwa tafsiri halisi ya manufaa ya damu ya Yesu, ambayo kwayo sisi wenyewe tumesamehewa dhambi zetu. Ni kwa njia hiyo tu tunaweza kufikia daraja la juu....

Yesu alisema kwamba ni rahisi kwa ngamia kupenya katika tundu la sindano kuliko kwa tajiri kuingia katika ufalme wa Mungu. Lakini mambo yote yanawezakana kwa Mungu. Anaweza na anatafanya kazi kupitia kwa mawakala wa kibinadamu katika mioyo ya watu tajiri ambao maisha yao yalitolewa kwa ajili ya kupata mali.

Ulimwengu wa mbinguni umekuwa ukisubiri kwa muda mrefu kushirikiana na mawakala wa kibinadamu katika kazi hii ambayo wameiepuka na kuipuuza. Wengi ambao walijaribu kuifanya kazi wameiacha kwa kukatishwa tamaa, wakati, kama wangestahimili, wanganikiwa kwa kiasi kikubwa. Wale ambao kwa uaminifu wanafanya kazi hii watakuwa wabarikiwa wa Mungu. Haki ya Kristo itakwenda mbele yao na utukufu wa Bwana utakuwa nyuma yao.

Kuna miujiza ambayo inapaswa kuoneshwa katika uongofu wa kweli, miujiza ambayo kwa sasa haitambuliwi. Watu wakuu wa ulimwengu hawawezi kuishinda nguvu ya Mungu itendayo miujiza. Ikiwa wale ambao wanafanya kazi Naye watakuwa watu watumiaji wa fursa, wakitimiza majukumu yao kwa umakini na uaminifu, Mungu atawaongoa watu ambao wanashikilia nafasi za juu, watu wenye uwezo na mvuto mkubwa. Kwa njia ya Roho Mtakatifu, wengi watazipokea kanuni za Mungu. Akimtazama Yesu katika uzuri Wake, katika kujikana Kwake nafsi na kujitoa mhangana, mtu tajiri anayejitosheleza atajiona katika utofauti kuwa ni mnyonge, na mwenye huzuni, na maskini, na kipofu, na uchi, na atakuwa mdogo sana katika tathmini yake kwamba atampendelea Kristo kuliko yeye mwenyewe, na atashika uzima wa milele.

Akiwa ameongolewa kuifuata kweli, atakuwa wakala mkononi mwa Mungu ili kuibeba nuru. Atakuwa na mzigo maalum kwa ajili roho nyingine za daraja hili lililopuuzwa. Atahisi kwamba usambazaji wa injili umekabidhiwa kwake kwa ajili ya wale ambao wameufanya ulimwengu huu kuwa kila kitu kwao. Muda na fedha vitatolewa kwa Mungu, mali zitaletwa katika hazina Yake, talanta na mvuto vitatumiwa kwa ajili ya ukweli na ufanisi na nguvu mpya zitaongezeka katika kanisa....

Upendo safi na mtakatifu, upendo huo kama ulivyooneshwa katika kazi ya maisha ya Yesu, ni harufu takatifu. Kama kibweta cha manukato cha Mariamu kilichovunjwa, huijaza nyumba nzima kwa harufu nzuri. Ufasaha wa ujuzi wa ukweli, vipaji adimu, vilivyochanganyika na upendo, vyote ni vipaji wenye thamani ... kumpenda Mungu na wale ambao Yesu aliwafia kutafanya kazi ambayo hatuwezi kuielewa kwa urahisi (**Testimonies for the Church 6:81-84**).